

სატენდერო დოკუმენტაცია

გამარტივებული ელექტრონული ტენდერის საშუალებით სამსახურის

ავტომატური სატელეფონო ნაწილების შესყიდვა

“გამარტივებული ელექტრონული ტენდერისა და ელექტრონული ტენდერის ჩატარების წესის შესახებ” სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანების შესაბამისად

პრეტენდენტის მიერ განთავსებული უნდა იქნეს ინფორმაცია „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანების შესაბამისად

საკვალიფიკაციო მონაცემები

პრეტენდენტს საკვალიფიკაციო მონაცემები არ მოეთხოვება.

--სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთის) მინიჭებამდე.

-- წინადადების წარდგენის დროს პრეტენდენტმა პირველ რიგში სისტემაში უნდა ატვირთოს ტექნიკური დოკუმენტაცია, რომელიც შეიცავს პრეტენდენტის მიერ სისტემაში ატვირთული შესყიდვის ობიექტის და პრეტენდენტის შესახებ ნებისმიერი სახის ინფორმაციას, რომელიც მოთხოვნილია სატენდერო განცხადებით და სატენდერო დოკუმენტაციით.

- ალტერნატიული წინადადება არ დაიშვება.

# 1. შესყიდვის ობიექტის ტექნიკური დახასიათება:

- პრეტენდენტმა უნდა უზრუნველყოს ავტომობილის სათადარიგო ნაწილების მიწოდება, ქვემოთ მოცემული მონაცემების გათვალისწინებით;

## ცხრილი 1

| #                              | საქონლის დასახელება | ძირითადი მახასიათებლები | განზომილება | რაოდენობა |
|--------------------------------|---------------------|-------------------------|-------------|-----------|
| 1                              | საბურავი            | 9.00 R 20               | ცალი        | 4         |
| 2                              | საბურავი            | 10.00 R 20              | ცალი        | 2         |
| სავარაუდო ღირებულება 2500 ლარი |                     |                         |             |           |

2. თითოეული პოზიციით განსაზღვრულ ნაწილზე ქარხნული წუნის აღმოჩენის შემთხვევაში მიმწოდებელმა დაუყოვნებლად უნდა უზრუნველყოს საკუთარი ხარჯებით წუნდებული საქონლის შეცვლა ახალი, ნივთობრივად უნაკლო ნაწილით;

3. შემოთავაზებული ნაწილი უნდა იყოს ახალი, ქარხნული წარმოების.

## 2. ანგარიშსწორების პირობები

ა). სატენდერო წინადადების ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

ბ). ანგარიშსწორება მოხდება უნაღდო ანგარიშსწორებით; ეროვნულ ვალუტაში;

გ). ანგარიშსწორება იწარმოებს შემსყიდველსა და პრეტენდენტს შორის ფაქტიურად მიწოდებული საქონლის მიღება-ჩაბარების აქტისა და სასაქონლო ზედნადების საფუძველზე 10 საბანკო დღის განმავლობაში.

დ). წინასწარი ანგარიშსწორება (ავანსი) არ გამოიყენება.

3. პრეტენდენტი, სატენდერო წინადადების წარდგენით ელექტრონულ სისტემაში ავტომატურად გამოხატავს თანხმობას ქვემოთ განსაზღვრულ მოთხოვნებზე

ა). შესყიდვის ობიექტის ტექნიკური დახასიათება - სატენდერო დოკუმენტაციის პირველი პუნქტის შესაბამისად;

ბ). ინფორმაცია ანგარიშსწორების პირობებისა და ვადების შესახებ სატენდერო დოკუმენტაციის მე-2 და მე-4 პუნქტების ქვეპუნქტების შესაბამისად;

## 4. მიწოდების პირობები და ვადები:

მიწოდების ვადა - ხელშეკრულების გაფორმებიდან 5 კალენდარული დღის განმავლობაში.

მიწოდების ადგილი: ქ. ზესტაფონი, ფარნავაზის ქ.#2;

5. პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

ა). ინფორმაცია პრეტენდენტის რეკვიზიტების შესახებ (დასახელება, მისამართი, ტელეფონი/ფაქსი, საბანკო რეკვიზიტები, ხელმძღვანელი პირის სახელი, გვარი);

ბ). ფასების ცხრილი დანართი #1-ის მიხედვით;

## 6. დამატებითი ინფორმაცია

ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

საკონტაქტო პირი - სატენდერო კომისიის თავმჯდომარე - გიორგი ორბელაძე 595-03-01-41

## შენიშვნა:

1. ყველა ატვირთული დოკუმენტი უნდა იყოს ხელმოწერილი უფლებამოსილი პირის მიერ და დამოწმებული ბეჭდით;
2. იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

ხ ე ლ შ ე კ რ უ ლ ე ბ ა № (ნიმუში)

სახელმწიფო შესყიდვის შესახებ

ერთეტაპიანი გამარტივებული ელექტრონული ტენდერით

საქონლის შესყიდვა

ქ. ზესტაფონი

-----, 2016წელი

ერთის მხრივ, ზესტაფონის დასუფთავებისა და კეთილმოწყობის სერვისცენტრი (მისამართი: ქ. ზესტაფონი წერეთლის ქ. №11 (შემდგომში – შემსყიდველი) და მეორეს მხრივ ----- სახით სახელმწიფო შესყიდვების შესახებ კანონმდებლობისა და მომწოდებლის სატენდერო წინადადების საფუძველზე, # SPA..... ერთეტაპიანი გამარტივებული ელექტრონული ტენდერის ჩატარების შედეგად, ვდებთ წინამდებარე ხელშეკრულებას შემდეგზე :

### 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვების შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ – წინამდებარე ხელშეკრულების 2.1 პუნქტით გათვალისწინებული ხელშეკრულების საგანი.

### 2. ხელშეკრულების საგანი

- 2.1 ხელშეკრულების საგანია მუნიციპალიტეტის ადგილობრივი ბიუჯეტის სახსრებით საქონლის შესყიდვა წინამდებარე ხელშეკრულებით გათვალისწინებული პირობების შესაბამისად მუნიციპალიტეტის დასუფთავების სამსახურის ავტომობილებისათვის სათანადო ნაწილების შესყიდვა. შესყიდვის დანაყოფის კოდი: 34350000.

### 3. ხელშეკრულების საერთო ღირებულება

- 3.1. შესყიდვის ობიექტის ფასი განისაზღვრება ლარებში;
- 3.2. შესყიდვის ობიექტის საერთო ღირებულება ----- ლარი.

### 4. მხარეთა ვალდებულებები

#### 4.1 მიმწოდებელი ვალდებულია:

- ა) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

#### 4.2 შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

### 5. შესყიდვის ობიექტის ხარისხი და გარანტია

5.1. მიმწოდებელი იძლევა გარანტიას, რომ შესყიდვის ობიექტის ხარისხი უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

#### **6. შესყიდვის ობიექტის მიწოდების პირობები**

6.1 შესყიდვის ობიექტის მიწოდებას უზრუნველყოფს მიმწოდებელი.

6.2 თითოეულ სათადარიგო ნაწილს უნდა ახლდეს სპეციალური საგადასახადო ანგარიშ-ფაქტურა.

#### **7. შესყიდვის ობიექტის მიწოდების ვადები**

7.1. შესყიდვის ობიექტის მიწოდების ვადა განისაზღვრება -----

#### **8. ხელშეკრულების შესრულების კონტროლი**

8.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების პერიოდში, შემსყიდველის მოთხოვნათა შესაბამისად.

8.2. მიმწოდებლის მომსახურების კონტროლს და ინსპექტირებას განხორციელებს ააიპ ზესტაფონის დასუფთავებისა და კეთილმოწყობის სერვისცენტრის უფროსის მ/შ მიერ 2015 წლის 07 ივლისის №120 ბრძანებით შექმნილი ინსპექტირების ჯგუფი.

#### **9. შესყიდვის ობიექტის მიღება-ჩაბარების წესი**

9.1. შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება შემსყიდველისა და მიმწოდებლის მიერ საამისოდ უფლებამოსილი წარმომადგენლების ხელმოწერებით.

#### **10. ანგარიშსწორების ფორმა, გრაფიკი (ვადები) და ადგილი**

10.1. მიმწოდებელთან ანგარიშსწორება განხორციელდება ლარებში.

10.2. შესყიდვის ობიექტის ღირებულების ანაზღაურება მოხდება უნაღდო ანგარიშწორებით.

10.3. ანგარიშსწორება შემსყიდველის მიერ მოხდება ფაქტიურად მოწოდებული საქონლის მიღება-ჩაბარების აქტისა და სასაქონლო ზედნადების საფუძველზე არაუმეტეს 10 საბანკო დღის ვადაში.

10.4 იმ შემთხვევაში თუ შემსყიდველი არ დაისაჭიროებს საქონლისა და მომსახურების შესყიდვისათვის განკუთვნილ ღირებულებას სრულად, მიმწოდებლის პრეტენზია გათვალისწინებული არ იქნება.

#### **11. ხელშეკრულების შესრულების შეფერხება**

ა. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

ბ. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

#### **12. ხელშეკრულების პირობების შეუსრულებლობა**

12.1 ხელშეკრულებით განსაზღვრული პირობების დარღვევის შემთხვევაში ან ვადის გადაცილების შემთხვევაში მიმწოდებელს ეკისრება პირგასამტეხლო ყოველ გადაგადაცილებულ დღეზე საერთო ღირებულების 0,1 %.

12.2. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

12.3. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

#### **13 ხელშეკრულების მოქმედების ვადა**

13.1 ხელშეკრულების მოქმედების ვადა განისაზღვრება -----

#### **14. ხელშეკრულების პირობების გადასინჯვის შესაძლებლობა**

14.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

### 15. ფორს-მაჟორი

15.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

15.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

15.3 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

### 16. დავები და მათი გადაწყვეტის წესი

16.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

16.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

### 17. სხვა პირობები

17.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

17.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

17.4. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

### 18. მხარეთა იურიდიული მისამართები და რეკვიზიტები

შემსყიდველი:

მომწოდებელი

დანართი #1

ფასების ცხრილი

პრეტენდენტის დასახელება \_\_\_\_\_

| № | საქონლის დასახელება | შეარმოებული<br>კომპანია | წარმოშობის ქვეყანა | საქონლის ძირითადი<br>მახასიათებლები | განზომილება | რაოდენობა | ერთეულის ფასი | აღსკრებელი<br>საერთო ღირებულება | აღ. ვადა<br>ივლისი | საბაზო<br>ივლისი |
|---|---------------------|-------------------------|--------------------|-------------------------------------|-------------|-----------|---------------|---------------------------------|--------------------|------------------|
| 1 | 2                   | 3                       | 4                  |                                     | 5           | 6         | 7             | 8                               | 9                  | 10               |
|   |                     |                         |                    |                                     |             |           |               |                                 |                    |                  |

ხელმოწერა \_\_\_\_\_

ბ. ა.